

JAVNO PREDUZEĆE «VODOVOD I KANALIZACIJA» d.o.o.

Z E N I C A

Direktor preduzeća

Broj: 101-9.065/16 HH
Zenica, 13.06.2016. godine

Na osnovu člana 32. i člana 64. stav 1, tačka b, člana 70. stav 1,3 i 6. Zakona o javnim nabavkama („Službeni glasnik BiH“, broj 39/14), na Preporuku Komisije za nabavku broj:716-9.063-1/16 HH od 13.06.2016.godine, a u skladu sa članom 26. i 27. Statuta Javnog preduzeća «Vodovod i kanalizacija», direktor Javnog preduzeća «Vodovod i kanalizacija» d.o.o. Zenica donosi

O D L U K U

o izboru najpovoljnijeg ponuđača

I

Usvaja se Zapisnik o ocjeni ponuda sa preporukom za dodjelu okvirnog sporazuma za javnu nabavku broj:716-9.064/16 HH od 13.06.2016. godine u postupku dodjele okvirnog sporazuma za najam građevinskih mašina sa rukovaocem na lokalitetu grada Zenica, i prihvata se preporuka Komisije za nabavke, da se okvirni sporazum zaključi sa ponuđačem:

ALMY TRANSPORT d.o.o. Zenica,

kao najbolje ocjenjenom ponuđaču

Prema ponudi broj: 716-8.815/16 od 31.05.2016. godine, za ponuđenu cijenu od 68.965,00 KM bez uračunatog PDV-a, a sa preferencijalnim faktorom domaćeg(15%) u iznosu od 58.620,25 KM bez uračunatog PDV-a u.

II

Prijedlog okvirnog sporazuma dostavit će se na potpis izabranom ponuđaču Almy transport d.o.o. Zenica, nakon isteka roka od 10 dana, računajući od dana kada su svi ponuđači obavješteni o izboru najpovoljnije ponude .

III

Za izvršenje ove Odluke zadužuje se Komisija za nabavke.

IV

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama („Sl. glasnik BiH“ broj 39/14.).

V

Ova Odluka objavit će se na web-stranici <http://www.vikze.ba/>, istovremeno sa upućivanjem ponuđačima koji su učestvovali u postupku javne nabavke.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 101-8.138/16 HK od 19.05.2016. godine.

Javna nabavka je provedena putem konkurentskog zahtjeva za dostavu ponuda, sa zaključivanjem okvirnog sporazuma sa jednim ponuđačem na period od 12 mjeseci.

Procijenjena vrijednost javne nabavke bez uračunatog PDV-a je 80.000,00 KM.

Dana 20.05.2016. godine na Portalu javnih nabavki, istovremeno sa objavljivanjem obavještenja o nabavci broj: 439-7-3-195-3-32/16, objavljena je i tenderska dokumentacija.

Poziv za preuzimanje tenderske dokumentacije broj: 713-8.138-2/16 HK od 20.05.2016. godine upućen je sljedećim ponuđačima:

1. TED INVEST d.o.o. Sarajevo ,
2. Almy- transport d.o.o. Zenica,
3. KOMGRAD-ZE d.o.o. Zenica.

Na osnovu Izvještaja o preuzimanju tenderske dokumentacije od strane ponuđača od 31.05.2016. godine u 13:57 sati, utvrđeno je da su sljedeći ponuđači preuzeli tendersku dokumentaciju:

1. BBS Europe,
2. COLOREX d.o.o. Mostar,
3. eurovez,
4. Ted invest d.o.o.,
5. Zeni –tours d.o.o. Vitez,
6. DOO MARTIĆ INTER COPP,
7. ALMY TRANSPORT d.o.o. ,
8. KOMGRAD –ZE d.o.o.,
9. špicbeton d.o.o. Zenica.

Komisija za nabavku imenovana je Odlukom broj: 101-197/16 MS od 11.01.2016. godine.

Komisija za nabavku je dana 13.06.2016. godine direktoru preduzeća dostavila Zapisnik o ocjeni ponuda broj: 716-9.064/16 HH od 13.06.2016. godine i Preporuku o izboru najpovoljnijeg ponuđača broj: 716-9.063-1/16 HH od 13.06.2016. godine, u postupku javne nabavke za najam građevinskih mašina sa rukovaocem na lokalitetu grada Zenica.

U postupku, prema Zapisniku o ocjeni ponuda, utvrđeno je da je Komisija za nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 3 (tri),
- da su blagovremeno zaprimljene 3 (tri) ponude,
- da nema neblagovremeno zaprimljenih ponuda,
- ukupno preuzeto tenderske dokumentacije od strane ponuđača sa Portala javnih nabavki 9 (devet).

Polazeći od gore navedenih konstatacija, a shodno odredbama Zakona o javnim nabavkama, podzakonskim aktima, opštim aktima ugovornog organa i tenderskom dokumentacijom Komisija je ocijenila da:

1. Ponuđač TED INVEST d.o.o. Sarajevo je dostavio ponudu u vrijednosti od 88.435,00 KM bez PDV-a, koja prelazi procijenjenu vrijednost Odluke od 80.000,00 KM bez PDV-a za predmetnu nabavku. Također, provjerom računске ispravnosti ponude, ustanovljeno je da je ponuđač u Aneks 1 – Obrazac za cijenu ponude, ukupan iznos ponude nije napisao slovima. Ponuda ponuđača je odbijena kao formalno pravno nezadovoljavajuća iz predhodno navedenih razloga i ista se odbija na osnovu člana 68. tačka 4. stav (i) i (j) Zakona o javnim nabavkama.

2. Ponuđač ALMY TRANSPORT d.o.o. Zenica je dostavio ponudu u vrijednosti od 68.965,00 KM za predmetnu nabavku. Međutim, budući da je isti dostavio i Uvjerenje izdato od strane VTK BiH o preferencijalnom tretmanu domaće, koja podrazumijeva da je njegovo preduzeće domaće sa sjedištem u BiH, te da najmanje 50 % od ukupne vrijednosti ponuđenih roba imaju BiH porijeklo, komisija je na osnovu prethodno navedenog, a u skladu sa članom 67. Zakona o javnim nabavkama (Sl. glasnik BiH broj: 39/14) i Odluke o obaveznoj primjeni preferencijalnog tretmana domaće (Sl. glasnik BiH broj: 103/14) prihvatila predmetnu Izjavu, te je u svrhu poređenja ponuda ista umanjena za preferencijalni faktor od 15%. Tako da ponuda ponuđača ALMY TRANSPORT d.o.o. Zenica iznosi 58.620,25 KM bez PDV – a.

3. Ponuđač KOMGRAD –ZE d.o.o. Zenica je dostavio ponudu u vrijednosti od 71.615,00 KM za predmetnu nabavku. Međutim, budući da je isti dostavio i Uvjerenje izdato od strane VTK BiH o preferencijalnom tretmanu domaće, koja podrazumijeva da je njegovo preduzeće domaće sa sjedištem u BiH, te da najmanje 50 % od ukupne vrijednosti ponuđenih roba imaju BiH porijeklo, komisija je na osnovu prethodno navedenog, a u skladu sa članom 67. Zakona o javnim nabavkama (Sl. glasnik BiH broj: 39/14) i Odluke o obaveznoj primjeni preferencijalnog tretmana domaće (Sl. glasnik BiH broj: 103/14) prihvatila predmetnu Izjavu, te je u svrhu poređenja ponuda ista umanjena za preferencijalni faktor od 15%. Tako da ponuda ponuđača KOMGRAD -ZE d.o.o. Zenica iznosi 60.872,75 KM bez PDV – a.

U skladu sa predhodno navedenim ponuđač Almy transport d.o.o. Zenica i KOMGRAD-ZE d.o.o. Zenica su dostavili formalno-pravno i tehnički zadovoljavajuće ponude, te su ista prihvatljive za ugovorni organ i mogu biti predmet ocjene shodno utvrđenom kriteriju.

U postupku donošenja ove Odluke, posebno su ocijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriteriju iz tenderske dokumentacije.

Uvidom u priloženu dokumentaciju, konkurentskog zahtjeva za dostavu ponuda broj: 713-8.138-1/16 HK – za najam građevinskih mašina sa rukovaocem na lokalitetu grada Zenica, a tokom preliminarnog pregleda i ocjene prispjelih ponuda, Komisija po članu 66. Zakona o javnim nabavkama ("Sl. glasnik BiH", broj: 39/14), i članu 17. Uputstva za pripremu modela tenderske dokumentacije i ponuda ("Sl. glasnik BiH", broj: 90/14), nije našla osnovan razloga da izrazi sumnju da je ponuđena cijena ponuđača Almy transport d.o.o Zenica neprirodno niska.

U postupku ocjene provedenog postupka, Direktor preduzeća nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavku.

Naime, u postupku je ocijenjeno da je Komisija u svemu pravilno postupila te da je rangiranje ponuđača izvršeno u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Uvidom u priloženu dokumentaciju, nesporno je da je, primjenjujući kriterij „najniža cijena“, Komisija izvršila ocjenu prihvatljive ponude / ponuđača kako slijedi:

1. ALMY TRANSPORT d.o.o. Zenica,

sa ukupnom cijenom ponude od 68.965,00 KM bez uračunatog PDV-a, a sa uračunatim preferencijalnim faktorom (15%) iznosi 58.620,25 KM bez uračunatog PDV-a,

2. KOMGRAD-ZE d.o.o. Zenica,

sa ukupnom cijenom ponude od 71.615,00 KM bez uračunatog PDV-a, a sa uračunatim preferencijalnim faktorom (15%) iznosi 60.872,75 KM bez uračunatog PDV-a,

te dala preporuku da se okvirni sporazum zaključi sa najuspješnijim ponuđačem Almy transport d.o.o. Zenica na period od 12 mjeseci.

Iz navedenih razloga, primjenom člana 32 i člana 64. stav 1. tačka b. Zakona o javnim nabavkama, odlučeno je kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.



DIREKTOR:

Karim Ekrem, dipl.ing.maš.

DOSTAVLJENO:

- 1 x Direktor preduzeća
- 1 x Pom.dir.za ekon. i prav. posl.
- 1 x Pom.dir.za tehn.posl.
- 1 x Komercijalna služba
- 3 x Članovima Komisije
- 1 x Sekretar Komisije
- 1 x a/a